

ԹԱԳԱՒՈՐԻ ԺԱՄԱՆԱԿ ՇԻՆՈՒԵՅԱԻ ԵՐԱՆՈՒՀԻ ՏԻԿՆՈՋ
ԶԱՊԵԼԻՆ ՅԵՍՊՈՆԻՕՆԻ ՊԱՏԵՐԱԶՄԷՆ ՎԵՐՋԻ ՅԱՂԹԱ-
ՆԱԿ ԵԼՆԱԼՈՎ. ԶԶ (1257) : Եւ 'ի ներքոյ արձանագրու-
թեանս ղինագրոյմ', այսինքն նիզակք և դրոշք և 'ի միջի
նոցա խոյր :

Յեսպոնիոնն է անուն քաղաքի, զոր Արարացիք կոչեն
Յեսպէն, եւ 'ի Ս. Գիրս Եսեբոն. էր 'ի հնումն արքայա-
նիստ քաղաք Սեհոնի թագաւորին Ամորհացւոց. Գլխ. Թ. 21. 25 : Յայնկոյս Յորդանանու յարեւելից չլթայ ինչ
լեւանց ձգեալ 'ի հիւսիսոյ, արեւմտից հարաւոյ, զոր
Արարացիք կոչեն Պալմայ, ուր էին յառաջագոյն մեծալէն
և փառաւոր քաղաքք, Գերասոն, Ճարաւ. Ամմոն, Ամմոն.
Եւ այլք, այժմ ամենեքին են աւերակ եւ անմարդի բաց
'ի Քերեքայ և 'ի Սալթէ. յայտոսիկ լերինս թափառին բազ-
մաթիւ վրանաչու արարք, բաժանեալ 'ի ցեղս ցեղս : Ի քա-
ղաքն Ամմոն ցարդ երեւին աւերակք նախնական շինու-
ածոց, ամիրիթէատրոնի և այլոց, արձանագիր յունական
վերտառութեամբ 'ի վերայ անկեալ քարանց. ձկնաւէտ
դետակն, որ անցանէ 'ի ձորակէն, յերկուս բաժանէ զքա-
ղաքն և միաւորէ կամրջաւն :

Զայտոսիկ քաղաքս և զամրոցս մինչ 'ի Քերեք, առեալ
էր Հեթմոյ արքային օգնութեամբ Թաթարաց, որպէս գրէ
նա ինքն Վարդան աղանատես, և զայնս պահանջէր Սուլ-
թան Եգիպտոսի Փնտուղտար յետ առման Դամասկոսի,
իբր նահանգ նորին, որոց վասն եղեւ աւերումն Կիլիկիոյ,
գերութիւն Լեւոնի եւ մահ Թորոսի արքայորդւոց : Յետ
մնալոյ 'ի ձեռս Հեթմոյ ամս իբրեւ 7. առին դարձեալ
Եգիպտացիք (1264) :

Քերէք քաղաք է յայնկոյս Յորդանանու յարեւելից հա-
րաւոյ Երուսաղէմի 'ի պարս նոյն լեւանց, ուր էին յառա-
ջագոյն հատուածք 'ի Ժողովրդոցն Հայոց եւ եկեղեցի
նուիրեալ յանուն Ս. Գէորգայ. որպէս յայտ առնէ յիշա-
տակարանն ձեռագիր Յայսմաւուրի յիշատակ արարեալ
եկեղեցւոյն Քերեքայ Լեւոնի Դ. արքային Կիլիկիոյ 'ի
Թուին Հայոց Զկթ. (1320). նոյնպէս և գիրքն կոչեցեալ
Հարանց վարք : Իսկ 'ի յետին ժամանակս ապրեալքն 'ի
սրոյ թշնամեաց Ժողովուրդք Հայոց, ոմանք ցրուեցան